

դուրը, որի բուժ ծայրին խփում էին ծանր մուրճով, հանքաքարը դուրս էին կրում քոթցնէրավ, իսկ ջուրը՝ տիկէրավ: Հանքը գրաստներով էին տեղափոխում հալեցման վայրը: Այդ հանքահորերը լուսավորվում էին սև նավթով լցված ձեռքի ճրագներով: Միայն դարավերջին հանքահանման և հալեցման մեջ սկսեցին մտցնել որոշ նորութիւններ: Այժմ սովետական իշխանութիւնն օրով աչտեղի ամբողջ սարքավորումը և հանքահանման ու հանքածուլման աշխատանքը կատարվում է գիտութիւն վերջին խոսքով, միանգամայն կատարելագործված միջոցներով:

Զանգեզուրը միշտ ունեցել է ձուլված և զտված պղնձի մեծ պաշար և զարմանալի է, որ չի կրթել այնպիսի պղնձագործ վարպետներ, որոնք իրենց արհեստի բարձրութեամբ հռչակ ստացած լինեին շրջակայքում, նույնիսկ տեղական պահանջները բավարարել են դրսից եկող լաիչեցի՝ լազիչեցի՝ լեռնցի պղնձագործները, որոնք ոչ միայն նոր պղնձե ամաններ մատակարարողներ են եղել, այլև վնասված ամանների նորոգողներ ու կրեկիչներ:

Զանգեզուրցի ընտանիքում, ինչպես և Փոքր Կովկասի հյուսիսային լանջերի գավառներում, ամանների մեջ պղնձեղենը ներկայացված է հարուստ ձևերով¹³³, սակայն ժողովրդական լայն գործածութիւն մեջ եղած ամանները — ջրի մեծ և փոքր գո՛ւգո՛ւմէրը, կեօճէրը, թավանէրը, արիգա՛րդանէրը, սաթիւնէրը, մէժմա՛նիւնէրը, բօխշաբէրը, կթէնէրը, ջամիւնէրը, և այլն՝ պարզ գործեր են. առանց փորագիր կամ գունավոր զարդարման: Ծիշտ է, շատ հին և հարուստ ընտանիքներում պատահում էին վերին աստիճանի նուրբ նախշազարդ անոթներ, որոնք թույլ են տալիս ենթադրելու, որ մի ժամանակ Զանգեզուրում պղնձագործութիւնն արհեստը եղել է ավելի բարձր կատարելութիւնն աստիճանի վրա, սակայն ենթադրութեամբ չի հիմնավորվում ուրիշ կից արհեստների մեջ ցուցաբերվող գեղարվեստական ճաշակով: Թվում է, թե ավելի ճիշտ կլինի այն եզրակացութիւնը, որ այդ նախշուն իրերի մեծագույն մասը դրսից մտած իրեր են, Շուշու արհեստանոցներից կամ ավելի հավանական է՝ Թավրիզից բերվող: Թավրիզից էին գալիս նույնպես տեղում մանավանդ կանանց զգեստի համար գործածվող կտորեղենների նուրբ ու թանկարժեք տեսակները:

Ո Ս Կ Ե Ր Զ Ո Ւ Թ Յ Ո Ւ Ն

Ոսկերչութիւնն էլ Զանգեզուրում սահմանափակվում էր պարզ աշխատանքներով: Ոսկերիչները նստած էին գլխավորապես Գորիսում և մենք տեղեկութիւն չունենք, թե ա՛րդյոք նրանց արհեստի ներկայացուցիչները կային գավառի այլ մասերում, երբ դեռ այստեղ չէր հիմնվել Գորիս քաղաքը և բնակավայրերը միայն գյուղեր և ձմեռանոցներ էին: Այդ ժամանակաշրջանում տեղական բնակիչները, թե՛ հայ և թե՛ թուրք, մանավանդ կանանց գործածած մատանիները, կնիքները, գլխի շանգալներ, կօտիներ, կա՛վաքներ, թասերը, ինչպես և եկեղեցական սպասարկութիւնն արծաթեղեն և ոսկեղեն իրերը, բերվում էին Շուշուց, որտեղ ոսկերչութիւնը՝ զարգացրուցումը կարող էր հպարտանալ այնպիսի վարպետներով, ինչպիսիքն են ուստա Բադամը (Գրիգոր Բադամյանը), որի շինած հայկական ճաշակով զարդարված միևնա կողմով էմալի գործերը հռչակված էին Անդրկովկասում, մասնավորապես Տիֆլիսում:

Գորիսում մինչև այսօր էլ պահպանվել են ոսկերիչների արհեստանոցները, որոնք սպասարկում են առավելապես ադրբեջանցի կանանց պահանջները:

¹³³ Տե՛ս «Ամաններ» գլուխը: